

նշանն, դուք Քրիստոսի աշակերտ էք և ոչ ստուգեան. բաւական եղեւ այդքան մեզ խաբելներդ. ինձ չէք խաբում այլ Աստուծոյ. մտածեցէք, դատաստան կա գալոյ պատասխան կա աալոյ. մի ուսայք իշխանս և մի որդիս մարդկան և այլն, ինձի այնքան ըստոր էք համարում որ Շուղակաթի վանքին եւս արժանի չէք տեսնում. գրով գրէք, բայց արդեամբ և ոչինչ. զա ժամանակ որ ամաչէք. ես իմ Աստուածն եմ յուսացեալ. դուք ձեր իշխանութիւնն. կամք Ձեր եղիցի. յիմաստնոց այսքանս բավիցի. իսկ յիմարաց լռեմ:

Ձերդ վեհանձնութեան խոնար ծառայ թօփալ և
փթեալ իբր եպիսկոպոս հայոց
ՍԻՄԷՕՆ ԲԶՆՈՒՆԵԱՆՅ

№ 4

24 օգոստոսի 1836

ի ավերակս Սաղիանու
որ Շամախի

Պատասխան խնդրեմ ուղիղն և ոչ սուտն:

6 սեպտ. մէկ գլուխ շաքար առաւ գործակալ Տէր Դանիէլն վանքիս փողովն (սեպտեմբերի 6ին), Սուրբ Խաչի տօնի օրն որ է Վերացմանն քաղաքիցն երկու իշխանք եկին վանքս Պետրոս և Յարութիւնն խնդրեցին նվաստիս որ պատարագ մատուցանեմ, մատուցի, ետուն ժամուց 6 մանէթ. սեպտեմբ. 14ին ի 1835 հոկտեմբերի 18. սուրբ աւետարանչաց տօնի կիրակին Գէորգ սարկաւաքն մեր օրհնեցաք աբեղայ, ըստ որում ոչ գոյր ժամասող և ես տկար գոլով ինձի ժամասելոյն օգնականութեանն համար, օրհնեցի թէպէտ ինքն չէր կամենում:

Առլեանու նաչալնիկ չինովնիկ աղա Ղէվանդն Վարդանեանց, մեզ համար ուղարկել էր մէկ ալտալուխ ձուկն և 10 շահմալի. Աստուած շէն պահէ զինքն:

1837 թիվ. յունվար.

Նոր տարի որէր ուրբաթ, գործակալ Տէր Դանիէլն նոր տարի շնորհաւորէքի մեզ ուղարկեց մէկ գլուխ շաքար վանքի փողովն: